

BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

Broj:06-2-02-2-754-1/22

Datum: 03.05.2022

Na osnovu člana 16. stav 2. Zakona o veterinarstvu u Bosni i Hercegovini ("Službeni glasnik BiH", broj 34/02), a u vezi sa odredbama Pravilnika o identifikaciji i kontroli kretanja životinja u Bosni i Hercegovini („Službeni glasnik BiH“, br. 13/10, 79/10, 25/11,103/11,41/12, 52/15, 02/16 i 66/16), direktor Kancelarije za veterinarstvo Bosne i Hercegovine donosi

ODLUKU
o pojedinačnoj aktivaciji deaktiviranih imanja u Bosni i Hercegovini

Član 1.

U cilju unapređenja i efikasnijeg funkcionisanja cjelokupnog sistema registracije imanja i praćenja registracije i prijave kretanja i odjava životinja, ažuriranja baze podataka, odobrava se sistemski aktivacija imanja u Bosni i Hercegovini koja su sistemski deaktivirana administrativnim putem u bazi podataka Agencije za označavanje životinja, i to imanja:

- a) koja u nazivima imaju stringove „greška-preselio-preselila“
- b) na kojima u zadnjih deset godina nije bilo registrovanih aktivnosti

Član 2.

(1) Pojedinačna aktivacija deaktiviranih imanja iz člana 1. ove Odluke vrši se u pojedinačnim slučajevima ukoliko se utvrdi i dokumentuje da su ta imanja aktivna.

(2) Pojedinačna aktivacija deaktiviranih imanja koja u nazivima imaju stringove „greška-preselio-preselila“ ili imanja na kojima u zadnjih deset godina nije bilo registrovanih aktivnosti vrši se u bazi podataka informacionog sistema za označavanje životinja u Agenciji za označavanje životinja (u daljem tekstu: baza podataka) na osnovu podnesenog Zahtjeva za aktivaciju imanja.

(3) Zahtjev se dostavlja Agenciji za označavanje životinja u formi iz Priloga ove Odluke koja čini njen sastavni dio.


(4) Pojedinačna aktivacija deaktiviranih imanja iz člana 1. ove Odluke podrazumijeva dodjelu aktivnog statusa imanja u bazi podataka.

Član 3.

Za izvršenje odredbi ove odluke zadužena je Agencija za označavanje životinja.

Član 4.

Ova Odluka stupa na snagu danom donošenja.



DIREKTOR

Saša Bošković, dr vet. med.

Prilog:

- Zahtjev za aktivaciju imanja u Bosni i Hercegovini

Dostaviti:

- Agenciji za označavanje životinja
- U spis
- Arhiva